

華北卷



地

方

志

人

物

傳

記

北
京
圖
書
館
編

52

資
料
叢
刊

北京圖書館出版社

【華北卷】

第五十二冊

地方志人物傳記資料叢刊

北

京

圖

書

館

北京圖書館出版社

新學
知
和
PDG

第五十二冊目錄

(雍正)澤州府志(二)

孝義		一
鳳臺縣		
高平縣		一六
陽城縣		二六
陵川縣		三三
沁水縣		四一
文苑		六五
隱逸		七九
列女		八九
鳳臺縣		
高平縣		一四七
陽城縣		一六一
陵川縣		一九三
沁水縣		二一三
寓賢		二四三
技術		二五一
方外		二五九
(順治)高平縣志		
官師志		二七三

宦蹟志		二八七
名宦		
循吏		二八九
選舉志		二九三
人物志		三〇九
忠烈		
賢良		三一〇
文學		三一三
武勛		三一六
孝子		三一七
節婦		三一八
隱逸		三二二
義行		三二三

(光緒)續高平縣志

職官		三二五
名宦		三二七
選舉		三二八
人物		三三二
孝義		三三三
文苑		三三七
列女		三三九

(乾隆)鳳臺縣志

封建	三四一
職官	三四二
名宦	三六四
宦蹟	三六六
選舉	三八三
鄉賢	四〇五
人物	四〇七
文苑	四二九
孝義	四三一
隱逸	四三八
僑徙	四三九
方技	四四三
釋老	四四四
列女	四四八

(光緒)鳳臺縣續志

職官	四八五
選舉	四九〇
封廕	四九六
人物	四九八
文苑	五〇〇
孝義	五〇一
方技	五〇四

列女	五〇五
藝文	五三五

(同治)陽城縣志

職官	五三九
表	五四七
傳	五四七
選舉	五五三
表	五五九
仕籍	五七八
人物傳	五七九
宦業	五九七
忠節	五九八
孝友	六〇三
文苑	六〇七
義行	六一〇
隱逸	六一二
列女	六一二

(康熙)長子縣志

官師志	六四三
封建	六四四
名宦	六四四
職官	六四六

(光緒)長子縣志

鄉飲	六七七
耆儒	六八〇
耆民	六八一
人物志	六八四
鄉賢	六八七
科舉	六九四
孝義	七一〇
貞烈	七一一
封廕	七一九

爵封表	七二五
職官表	七二九
選舉表	七七一
傳	八三九
史傳	八五〇
集傳	八五〇
列傳	八五六
列女傳	八八〇

澤州府志卷之三十七

孝義

澤州府鳳臺縣

無州邑名者入本郡中

北魏蔡祐事親孝屋側產芝草人以爲孝感所致官都督所
有祿俸盡給族之貧乏者及卒家無餘貲人皆義之

宋太行忠義耿京王世隆當宋隆興元年李顯忠兼淮西招
撫使時金人新立山東河北諸豪傑蠡起歸宋其耶律諸
種兵數十萬據數郡之地耿京王世隆等皆欲孳地還於
朝金懼亟請和顯忠陰結金統軍蕭琦爲內應以取河東
李顯忠傳

元和居中性敏博學篤於交游潛德弗耀以高年耆碩旌表

其門

喬彞字仲常晉寧人性高介有守名稱籍甚至正十八年賊襲晉寧城陷城中死者十二三彞整衣冠聚妻子家有天井彞坐井上令妻子婢輩循次投井中而已隨之彞既死賊首王士誠使人即彞家邀之至則已死矣賊平贈臨汾縣尹謚純潔

王佐字元輔晉寧人從父居上都教授里巷不與時俯仰會賊至倉卒不能避爲所獲欲降之佐傲岸自如詎賊不輟因見害元大德九年以地震改爲晉寧路晉城高平陽城沁水陵川端氏六縣隸司侯司史載晉寧備入之明王仲達洪武二年舉孝廉令中江秩滿乞歸終養永樂間徵取堅志乞養如初贈勅獎諭給鈔錠以歸

景寧族指千餘五世同居洪武初旌門

楊砥字大用進士官太僕卿父歿廬墓三年母喪賜鈔千錠

扶輦徒跣行歸葬卒以足疾致病歿

明萬曆丙戌丁亥間大祲好義捐助設粥注藥者顧州誌載
有知州鄭際明高平知縣許安遇陽城知縣王雅量各捐
俸煮賑藩封捐祿有充倏等十六人捐紳捐米者周盤等
十五人生監助賑者有董三策等十三人脩藥督施助米
助銀民有馬世傑張垂芳等十七人

庠生任敦化捐地四十畝供天井關聖廟春秋享祀

庠生郭鎮邦捐施義塚一所

顧志曰澤俗家無饒積而人性好義竭力輸助由宗紳而
而士民蒸蒸慕義如飴可謂難矣

張祿張祐張智兄弟孝友母任氏歿其廬於墓次楊貞肅繼

宗有詩美之見碑刻

朱仕塿鎮國將軍幼失怙母遘疾籲天請代既葬坐卧一小軒終制不御酒肉不入內正德間旌門

朱成錢輔國將軍事父母間寢侍膳極誠親歿先後廬墓六年嘉靖間旌門

朱成鎮輔國將軍仁厚以孝謹著力學攻苦獨究性天之旨著太文錄二冊進上賜敕獎之

朱聰諫奉國將軍性好儒學與弟聰澱聰澐居同學同友恭同嘉靖旌其堂曰孝義

石文奎自高祖王歷五世同居一門敦睦食指幾千數無異意嘉靖間表閭

孟瀚自祖至姪霓四世同居無私財無評語人稱義門

朱俊棟鎮國中尉母趙病危一禱而愈母壽九十卒葬

推擇宗正有清節妻段氏早逝不更娶卹庶兄俊發遺孤
婆甚至捐田贍宗學出粟千石賑郡饑萬曆間下詔褒
歿賜祭葬

朱允俊悌長子博古善書有內行設義田以給貧宗其仲
克俊少慧力學善事父母兄弟五人同居不私一物其
異母兄弟三人孤而寡力佐卹之其季口克營繼父爲
正萬曆中捐米八百石救荒得旨嘉獎

朱允輔國中尉宗約俊櫟子孝友雅飭以厚產讓弟
其子室中存澤者多嚮學好義稱賢王孫云

朱廷塚字憲明奉國中尉臨川王裔明制願仕者以本階
之逐膺貢知臨寶縣闖逆臨城多殺傷益衆攻圍城陷廷

煠死之一門俱殉時崇禎十五年

朱運昌字敦素宗喬爲貢士判鞏昌崇禎十六年城破殉降
不屈賊支解之

裴爵椿子舉人授豐縣令聞父訃星夜奔喪表墓立祠晨夕
哭奠起補臨漳迎養母母歿哭奠如父禮再任吳橋乞歸
置祭田建社學脩家規里人歸厚焉

侯勲大司馬璉五世孫錦衣僉事璉子父疾溫余嘗藥朝夕
同卧起及歿哀絕者數四廬墓哭奠羣鳥亦悲鳴樹上鵲
爵與弟不襲時稱孝友事聞旌門曰思親讓爵

馬宗盛幼孤事母至孝母止勺水不入口哀毀幾絕既葬廬
墓斬衰泣奠三年不櫛沐髮結成璫盡脫人哀之時有白
猿慈鳥之異事聞旌表

勲宗盛孝子傳
皆作松沐人

宋甫舉人官忠州牧父歿廬墓旌表

趙友益郡廩生父九思抱疾日侍湯藥衣不解帶者月餘病篤禱以身代卜琰得鼎折足語曰吾父三昆弟凶讖也再禱得問壽九十九語比得疾悟云予兄弟亦三人應在我乎誓不藥遺命妻孥兄弟可善事父母吾亡矣遂於九月九日歿父疾尋果愈

省志沁水人

袁維新郡廩生父病痰危甚日夜籲天及父歿事母終身色養不違白頭昆弟無閒言旌曰首篤天倫

張希魯少服賈外出母病疽忽心動歸而親侍醫藥得愈長兄亡姪燮復早歿婦靳方有娠魯旦夕籲天果生男名曰培德百方撫愛靳感之守節益堅又盡舉季兄遺財嫁其孤女仲兄乏生計析箸雖久屢贈千金親隣待以舉火者

無算更輸粟千石賑荒萬曆初詔建坊有兄希曾亦同心
蠲賑時並旌焉 省志 沁水人

秦一清庠生事大父盡孝時有家難準情調劑遭母喪哀毀
逾禮朔望率弟拜墓終其身奉父色養事繼母得歡心甘
貧力學律已甚嚴絕無情容竭力爲季弟謀婚娶不以異
母有差等

李用澤州人舉於鄉弘治中以孝被旌

裴椿歲貢生幼孤事母孝母歿廬墓母素嗜茄遂種于墓側
茄生連理更有鳥巢鶴翔之異弘治間旌表

鍾鑑進士父卒廬墓三年

明李廷玉大陽里人父母有疾藥弗愈日夜晷顙比辰復剖
股和羹以進病霍然起親歿治喪不用浮屠會與鄉飲介

賓年七十以疾終

李用大陽里人年十五補博士弟子員成化丙午舉于鄉越三載丁母憂哀毀踰禮廬墓三年弘治壬戌知陝西醴泉縣事尋陞慶陽府通判致仕卒年七十有三

國朝楊世英字孟紹名諸生也會盡推先世產業於其仲秀博母氏歡退而食貧甘之郡守周愛重其高義贈百金却不受不敢以豬肝累安邑才氣磊落爲學使表繼咸所器癸酉同學王采趙嗣美計偕北上送以詩曰謬得與君三屈指公然先我兩伸眉兀傲自若殊不屑屑然或諷以順時榮譽曰大丈夫寧爲金珙毋爲瓦合其標致如此

衛正心字翼中任俠好義慷慨重然諾所與游多賢豪長者國初授陝西中軍守備未幾歸築室太行山之大箕村引

清少開元
泉鑿石有終焉之志設義塾建文華書院厲一鄉之成材
入腴田以贍給之置永安堡造迎旭橋平治道塗勸立祠
宇安井里而卹行旅凡力所得爲者無非毅然身任更設
設廬鏹以衣食里中之貧困者於其歿里民立祠祀焉
樞次楷承舊德加謹淳其砥行立節老而彌壯今會元
立矣

宋英字木若舉人任榆次教諭脩學校士有聲壇坫鄉居時
叛兵任國奇來攻本鎮清寧堡英率弟燕母力捍禦累
魁一圍遂解而去得全活者男女二千餘人里人感之

張恕禎京子舉人任曲沃教諭有才名父教長號嘔血築室
墓次曰震亭廬每上食如生時哀感道路自作記并十墓
詠見志學使臨郡諸生上其事得嘉獎當日試題有餘

何如人論蓋爲恕禎也

宋盛宋興德兩人從兄弟也辛未蝗蝻災各蠲千金市粟散賑民得不流亾以死尋復完治湯王泰山兩廟工爲禱雨以救旱乾鄉人咸義之

張廷布衣尙義其讓弟產訓子姪及焚券給耨諸行誼積久人尙能道之同時又有王濟中者以冒賊刃捍病母爲鄉里所稱

王璇初爲諸生時脩太行山道九十里歲蝗蝻募人掩捕所得多寡給以錢是歲不爲災其他設義學焚積券排難解紛邑人尤念其德

蘇榮生處士以友著治產與弟天澤共日用婚嫁纖微無私五十年如一日族伯母寡而無子生養死葬咸於二子是

賴榮生精醫所活甚衆有所著病鏡一書子廩生挺起與其胞姪庠生貞起一遵家訓亦不分財異居

衛楷字曾林大箕里人性孝友慈祥康熙辛丑山陝旱荒流民遍野楷慨然動念蠲金三千兩仰佐賑卹由州解送平陽郡散給又雍正癸卯澤地歉收民多乏食楷於河南糴運米石發本地準其概量減其價值自四月至七月往返流轉接濟廣周市井無騰貴之憂官倉無仰屋之歎餓者起而散者留賴以全活無算較前蠲金尤法良意美也他如親黨交游指囷麥舟之助脫縣分宅之仁義期有濟道在必周其鄉人曰德行若此人品可知居鄉如此立朝可知楷已卯科副榜候補主事

陳廷繼性至孝念諸兄弟俱服官中外力請家居日侍父光